

¡BOMBA!

Reveses fueron remotos en cómputos distritales; quedaron voces fatales bajo enorme alud de votos



K'uintsil

Lunes 10 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2251 · www.lajornadamaya.mx

U k'iinilo'ob ooxol walkila' ts'o'ok u kiinsik 90 máako'ob; 2ge' ichil jump'éel winal

U mola'ayil Secretaría de Salud (Ssa) tu ts'áaj k'ajóoltbile' tu le jaats k'iino'ob tu jach beetaj ooxol (17 ti' marzo tak 5 ti' junio) yanchaj mil 937 u p'éel kaasos yaan ba'al u yil yéetel le jach ooxolo', ts'o'oke' yaan 90 máako'ob ts'o'ok u kiimilo'ob tumen, ichil tuláakal u noj lu'umil México, le beetik chiikpajale', u kiimil máak yóok'lale' ku chukik 4.64 por siento.

Ichil éepidemiolojikoil k'iino'ob 22e' (29 ti' mayo tak 5 ti' junio) ojéelta'ab yanchaj 591 u p'éel kaasos yaan ba'al u yil yéetel le ooxolo', yéetel 29 máako'ob kiimo'ob tumen, ti' ba'ale' le je'elo'obo' nupa'ab yéetel ka' jaats k'iino'ob ooxol (3 tak 13 ti' mayo) yéetel yanchaj uláak' 25 kimenob'ob ti'al u yóok jaats k'iino'obi' (20 ti' mayo tak 4 ti' junio).

Ichil ba'ax ojéelta'ab ti' u ts'ook tsoolts'iibil jts'a'ab k'ajóolta'ab tu k'iinil 7 ti' junioe', kiimilo'ob yanchaje' beey úuchiko'oba': Veracruz (25), Tabasco (15), Tamaulipas (13), Nuevo León (10), San Luis Potosí (10), Hidalgo (5), Oaxaca (4), Querétaro (2), Baja California (1), Campeche (1), Chiapas (1), Guanajuato (1), Guerrero (1) yéetel Sonora (1).

Ssa tu ya'alaje', ichil ba'ax a'alab tumen Servicio Meteorológico Nacional (SMN) ku meyaj tu yáamil Comisión Nacional del Agua, tukulta'abe' yaan u yantal jo'ojaats k'iino'ob ooxol ichil marzo yéetel julio. Ba'ale' tak walkila' ts'o'ok u máan óoxp'éeli'.

Laura Poy Solano
Oochel Fernando Eloy

